

Канон Пресвятой Богородице в честь иконы Ея «Неопалимая Купина»

Празднуем 4 (17) сентября

Тропарь, глас 4-й

Иже во огні купины неопалимыя, дрѣвле Моисѣем виденныя, тайну воплощения Своего от Неискусобращенныя Девы Маріи прообразовавый, Той и ныне яко чудес Творец и всея твари Создатель икону Ея святую чудесы многими прослави, даровав ю верным во исцеление недугом и в защищение от огненнаго запаления. Сего ради вопием Препоблагословенней: Надежду христиан, от лютых бед, огня и грома избави на Тя уповающия, и спаси души наша яко милосерда.

Ин тропарь, глас тойже

Слава, и ныне: Иже в купинѣ огнем горящей и негоряемой, показавый Моисеови Пречистую Твою Матерь, Христѣ Бже, огонь Божества неопальне во чреве приемшую и нетленну по рождестве пребывшую. Тоя молитвами пламене страстей избави нас и от огненных запалений град Твой сохрани, яко многомилостив.

Канон, глас 8-й

Песнь 1

Ирмос: Воду прошед, яко сушу, и египетскаго зла избежав, израильтянин вопияше: Избавителю и Богу нашему поим.

Припев: Пресвятая Госпоже Богородице, услыши молитву раб Своих, молящихся Тебе.

Ум помраченный мой просвети, Дево, огненосным сиянием Твоея славы, память в славословии изнемогающую

укрепи́ и воспламени́ хла́дное моё се́рдце Божественною
любови́ю, да Тебе́, Купинé Неопали́мей, пéние хвалéбное
воспою́ достóйно, Чíстая.

Пресвята́я Госпоже́ Богородице, услы́ши моли́тву раб Свои́х,
моля́щихся Тебе́.

Храм Трисо́лнечно́го Сvéта прекра́сный, украси́ моя́
чу́ства, молю́ся, да целому́дренною мы́слию и несквэ́рными
усты́ огнезра́чныя ико́ны Твоея́ явлéние воспою́ достóйно,
Чíстая.

Слава: К Твое́й пресвэ́тлаго зра́ка ико́не припадаю́,
окая́нный: ду́шу мою́ озари́ благода́тно, яви́ и тéло
несквэ́рно и, от лю́тых мя недúгов свободи́вши, покажи́
прича́тника насле́дия небэснаго, Богоневэ́стная.

И ныне: Недúгующа́ страстьми́ многоразли́чными от
ико́ны Твоея́ Божественны́я исцелéния сподóби мя, о
Богомати́ Влады́чице. Да сла́влю чудеса́ Твоя́ и пою́ Тя,
благих ви́новную, вэ́чную Бла́гость воплоти́вшую, ми́ра
благую́ застúпницу.

Спаси́ от бед рабы́ Твоя́, Богородице, я́ко вси по Бóзе к
Тебе́ прибега́ем, я́ко неруши́мей стенé и предста́тельству.

Песнь 3

Ирмос: Небэснаго́ кру́га Верхотво́рче, Го́споди, и Це́ркве
Жижди́телю, Ты мене́ утверди́ в любви́ Твое́й, желáний краю́,
вэ́рных утверждéние, еди́не Человеколю́бче.

Пресвята́я Госпоже́ Богородице, услы́ши моли́тву раб Свои́х,
моля́щихся Тебе́.

Низложи́ нало́ги бесо́вския, стужа́ющия мне, Влады́чице,
го́рдость в добродéтели, лицемерие́ в свя́тости, тщесла́вие
во бдéнии, висо́коумие́ в благоговéнии и неблагода́рность в
благодéяниях Сы́на Твоего́, еди́на всепéтая Дéво.

Пресвята́я Госпоже́ Богородице, услы́ши моли́тву раб Свои́х,
моля́щихся Тебе́.

Стра́нна мя любочéстия сотвори́, молю́ Тя, Дéво, и чу́жда
любопы́тства о челове́ческих согрешéниях, дэ́рзость и
изли́шнее на ми́лость Сы́на Твоего́ упова́ние отдали́ от

менé, да достóйны Емú плоды принесú, едина Пречíстая.

Слава: Начáло от земли приéмшую хúдость моего естества познавая, молю Тя, Дéво, даждь ми презрéние славолóбия, бéгство человéческа хвалы́, познáние сóбственного грехá и сóбственныя нéмощи, едина Богоблажéнная.

И ныне: Крáткий всех вещей и всего мíра конéц, смéртный час и мучéние бúдущее за суетú деяний тщеслáвных помышлѣти сподóби мя, Дéво. Да благодáтию Сына Твоего́ к пути́ и́стиннаго покая́ния наста́влен, вéчнаго избéгну проклѣтия, Пренепорóчная.

Спаси́ от бед рабы́ Твоѣ́, Богородице, я́ко вси по Бóзе к Тебé прибега́ем, я́ко неруши́мей стéне и предста́тельству.

Гóсподи, помíлуй (*трижды*). Слава, и ныне.

Седален, глас 8-й

Вели́чия Твоѣ́ кто испове́сть, Богородице, явлéнием бо огнезрáчныя икóны Твоеѣ́ возвесели́ла еси́ дúши правослáвных, мно́гая недúти ёю́ врачúючи, от огня́ же и гро́ма защища́ючи, и́же по Бóзе на Тя упова́ние возлага́ют. О всеми́лостивая Влады́чице, не лиш́и úбо и нас Твоего́ заступлéния, спаси́ правослáвных христиáн от вся́каго зла, да Тобо́ю хва́лящися, не постыди́мся во вéки.

Песнь 4

Ирмос: Услы́шах, Гóсподи, смотре́ния Твоего́ та́инство, разуме́х дела́ Твоѣ́ и просла́вих Твоé Божество́.

Пресвята́я Госпоже́ Богородице, услы́ши моли́тву раб Свои́х, моля́щихся Тебé.

Жестокосе́рдием отягчéннаго мя облёгчи, немилосе́рдием к тре́бующим окаменéнную утробу́ мою́ умягчи́, бурею́ сребролю́бия объята́го мя ути́ши, во огни́ неопали́мыя купины́ прообразова́нная Влады́чице.

Пресвята́я Госпоже́ Богородице, услы́ши моли́тву раб Свои́х, моля́щихся Тебé.

Во уповании тленных и временных вещей не остави мя и пламень хищения неправеднаго угаси во мне пламенем огня Божественнаго, Неопалимая Купино являшаяся, Богоневестная Владычице.

Слава: Идолослужение в лихоимении и заблуждение от истиннаго благочестия и православныя веры потреби от мене, Владычице, и не попусти мя пасти падением еретическим, да восхваляю имя Твое благословенное до кончины живота моего в Православии непорочно, едина Приснодево.

И ныне: Ум мой, молю Тя, Богородице, благоустрой к познанию вечных истин Христова Евангелия, к рассмотрению тленности временных благ направи мой помысл и щедролюбие даруй ми неоскудное, да благодатию Христовою украсен, пою Тя, едина Приснодево.

Спаси от бед рабы Твоя, Богородице, яко вси по Бозе к Тебе прибегаем, яко нерушимей стене и предстательству.

Песнь 5

Ирмос: Просвети нас повелении Твоими, Господи, и мущею Твоею высокою Твой мир подаждь нам, Человеколюбче.

Пресвятая Госпоже Богородице, услыши молитву раб Своих, молящихся Тебе.

Огнь нечистоты и всякия скверны во мне, безстуднем, морем благодати Твоея потопа, и мглу греховную разжени, и сердце мое радости исполни, Всенепорочная.

Пресвятая Госпоже Богородице, услыши молитву раб Своих, молящихся Тебе.

Срамословию безобразному не даждь во мне места, Владычице, селение соблазнов замени в души моей зрением собственных грехов, храм мя чистоты и целомудрия содейлай, да нескверными усты величаю Тя выну, Всенепорочная.

Слава: Смерть, суд и мучения вечныя грешником уготованная в памяти моей углуби, Владычице, да поне последняя сия в памяти содержи, лютая беззакония

оста́влю и плоды́ покая́ния и́стиннаго принесу́, велича́я Тя при́сно, еди́но души́ моея́ Упова́ние.

И ныне: Любо́вь сея́ жизни́ изли́шнюю и плотска́го поко́я раче́ние отложи́ от мене́, молю́ Тя, Де́во Чи́стая. Да сýетных попече́ний избе́г, Тобо́ю получу́ нетле́нное на небеси́ бога́тство, еди́на души́ моея́ Покрови́тельница.

Спаси́ от бед рабы́ Тво́я, Богоро́дице, я́ко вси по Бо́зе к Тебе́ прибега́ем, я́ко неруши́мей стене́ и предста́тельству.

Песнь 6

Ирмос: Моли́тву пролию́ ко Го́споду и Тому́ возвещу́ печа́ли моя́ я́ко зол душа́ моя́ испо́лнится и живо́т мой аду прибли́жится, и молю́ся, я́ко Ио́на: от тли, Бо́же, возведи́ мя.

Пресвята́я Госпоже́ Богоро́дице, услы́ши моли́тву раб Свои́х, моля́щихся Тебе́.

Ра́дости сýетныя, к преогорче́нию бли́жняго приводя́щая, чу́жда мя соде́лай, Купино́ Неопали́мая ве́рными имену́емая, Пречу́дная Цари́ца. Дажь ми сопеча́ловатися и́скреннему́ моему́ в бе́дствиях, человеколю́бивая Влады́чице и памятозло́бия изба́ви мя, приле́жно молю́ Тя, Всенепоро́чная Де́во.

Пресвята́я Госпоже́ Богоро́дице, услы́ши моли́тву раб Свои́х, моля́щихся Тебе́.

За́висти в по́мысле моём не даждь вкореня́тися, виде́нием нестара́емая купины́ прообразова́нная Моисе́ю, и ро́ждшаяся от ко́рене свята́, Де́во, и братоненавиде́ния изба́ви мя, Чи́стая. Да не зло́бою мра́чною оскверне́н быв, лишу́ся Бо́жия благода́ти и жи́зни ве́чныя, всенепоро́чная Влады́чице.

Слава: Терпе́ние в беда́х утверди́ во мне, Всечи́стая, с ра́дующимися духо́вную ра́дость, к се́тующим сожалéние да́руй ми, Пресвята́я, и братолю́бие низпосли́ мне свы́ше, любве́ пучи́ну ро́ждшая Де́во, и любо́вь ве́лию при́сно явля́ющая ро́ду христиа́нскому.

И ныне: Желáние кра́йнее согре́й во мне вся́кому бли́жнему от души́ благотвори́ти, Блага́я, да не ка́ко злоб

лю́тых душа́ моя́ исполнится, и живо́т мой а́ду
прибли́жится, и пре́дан бу́ду без ми́лости я́ко не
сотвори́вый ми́лости, во тьму кромéшнюю, всенепоро́чная
Богоневéсто.

Спаси́ от бед рабы́ Твоя́, Богоро́дице, я́ко вси по Бо́зе к
Тебе́ прибега́ем, я́ко неруши́мей стене́ и предста́тельству.

Го́споди, помилуй (*трижды*). Слава, и ныне.

Кондак, глас 8-й

Предочи́тим чу́вствия душ и телéс на́ших, да ви́дим
та́инство Божéственное, о́бразно явлéнное дрéвле вели́кому
во проро́цах Моисéю купино́ю, горéвшею огнём и не
сгарáвшею, в не́йже Твоего́ безсе́меннаго рожде́ства,
Богоро́дице, предвозвещéние испове́дуем и, благоговéйно
покланя́ющеся Тебе́ и ро́ждшемуся от Тебе́ Спасу́ нашему́,
со стра́хом вопие́м: ра́дуйся, Влады́чице, покрóве, и
прибе́жище, и спасéние душ на́ших.

Икос

Прови́дя дивный Моисéй в неопали́мей купинé на Сина́и
та́йну от вéка утаéнную, Безлётнаго в лéте родитися
восхотéвшаго, рожде́ние от чистыя и неискусобра́чныя
Дéвы, у́жасом содержи́м вопия́ше: сия́ земля́ во́истинну
свята́ есть, я́ко Плод спаси́тельный ми́ру из не́я произы́дет,
Имже го́ресть падéния Ада́мова усладит́ся. Сего́ послу́шая,
и мы, та́инства Бо́жия собы́тие позна́вши, ублажа́ем Тя,
Богоро́дице, возвели́чившую па́дшее челове́чество и
милосéрдием неизречéнным призрева́ющую на род
христиа́нский, те́мже и зове́м Ти: ра́дуйся, Влады́чице,
покрóве, и прибе́жище, и спасéние душ на́ших.

Песнь 7

Ирмос: От Иудéи доше́дше о́троцы, в Вавило́не иногда́, véрою
Тро́ическою пла́мень пéщный попра́ша, пою́ще: отце́в Бо́же,
благословéн еси́.

Пресвятая Госпоже Богородице, услыши молитву раб Своих, молящихся Тебе.

Веселие мирское пресецы и душеленное пристрастие умертви во мне, Дево, презрение временных, желание вечных благ и нетленную радость подаждь ми, с поющими: отцев Божие, благословен еси.

Пресвятая Госпоже Богородице, услыши молитву раб Своих, молящихся Тебе.

Безчинное веселие и излишество, ум вредящее, душе скверну раждающее, отлучи от мене, Дево, и сподоби во здравии душевном и телесном духовнаго утешения наслаждаться с поющими: отцев Божие, благословен еси.

Слава: Грехом, смерть лютую раждающим, оскверних душу мою, но Ты, Пречистая Владычице, огнезрочная и неопалимая купино явльшия, тину страстей моих изсуши огнем Божиим благодати и настави мя на богоугодное житие. Украси же воздержанием и целомудрием и даждь ми чистым сердцем пети: отцев Божие, благословен еси.

И ныне: К Твоей огнезрочной иконе взирая, молю Тя, Владычице, омраченного мя самолюбием светом зрака Твоего просвети и, похоти плотския укротивши во мне, огнем Божиим любви хладное сердце мое воспламени, да Рождшемуся от Тебе достойно возмогу пети: отцев Божие, благословен еси.

Спаси от бед рабы Твоя, Богородице, яко вси по Бозе к Тебе прибегаем, яко нерушимей стене и предстательству.

Песнь 8

Ирмос: Царя Небеснаго, Егоже поют вси Ангельстии, хвалите и превозносите во вся веки.

Пресвятая Госпоже Богородице, услыши молитву раб Своих, молящихся Тебе.

Возмущение души моея утоли, Всенепорочная, от клеветы наветующих избави мя, вражду греховную во мне укроти и ненависть мрачную отврати от мене, Дево, да прославляю Тя, Чистая, во веки.

Пресвятая Госпоже Богородице, услыши молитву раб Своих, молящихся Тебе.

Огонь ярости во мне zelo разжженный, росой благодатныя молитвы Твоея угаси, хулу, умножающую души моей озлобление и всякий вид злобы, гнездяйся в сердце моем, искорени, Дево, да Тя прославляю, Чистая, во веки.

Слава: Образ Христов евангельскими добродетельми напиши в души моей, Богоблагодатная, укрепи и утверди мя во всяком деле благом, от всякия же злобы отврати сердце мое, да мирными усты прославляю Тя, Чистая, во веки.

И ныне: Кротким оком Твоим виждь мое смирение, Пренепорочная Богоневесто, и приклони ухо Твое к молитве сердца моего, кротостию и незлобием благоукраси мя, помраченного безобразием злобных страстей, и сотвори причастника блаженства, кротким обетованного, да радуясь прославляю Тя, Чистая, во веки.

Спаси от бед рабы Твоя, Богородице, яко вси по Бозе к Тебе прибегаем, яко нерушимей стене и предстательству.

Песнь 9

Ирмос: Воистинну Богородицу, Тя исповедуем, спасеннии Тобою, Дево Чистая, с безплотными лики Тя величающе.

Пресвятая Госпоже Богородице, услыши молитву раб Своих, молящихся Тебе.

Скорби сердца моего утиши, Радосте скорбящих, уныние душегубительное отыми от мене, Утолильнице печали, и леньность ко взысканию добродетелей искорени во мне, Взыскание погибших, да Тебе, Дево Чистая, непрестанно величаю.

Пресвятая Госпоже Богородице, услыши молитву раб Своих, молящихся Тебе.

Малодушием болезнующаго мя оживи, Целительнице болящих, отчаянием падшаго мя возстави, Одигитрие заблуждших, грехами умерщвленного мя воскреси,

Споручнице грешных, да Тебѣ, Дѣво непорочная, непрестанно величаю.

Слава: Усердие во мне творити волю Божію возбуди и ревность ко славе Божіей воспламени в сердце моем, Купино огнезрѣчая и неопалимая, и благоговѣйна служителя Христова содейлай мя, Дѣво, предводительнице моего спасения.

И ныне: Слезами покаяния и умиления изсохшую в знои страстей душу мою умягчи, яко руно орошенное Гедеона, и сокрушение к исправлению даждь ми, Дѣво, да вечныя блага унаследую, и с лики избранных Божіих воспою Тя, ходатаицу моего спасения.

Спаси от бед рабы Твоея, Богородице, яко вси по Бозе к Тебѣ прибегаем, яко нерушимей стене и предстательству.

Молитва

О Пресвятая и Преблагословенная Мати сладчайшаго Господа нашего Иисуса Христа! Припадаем и поклоняемся Тебѣ пред святою и пречестною иконою Твоею, еюже дивная и преславная чудеса содеваеши, от огненнаго запаления и молниеноснаго грома жилища наша спасаеши, недужныя исцеляеши, и всякое благое прошение наше во благо исполняеши. Смиренно молим Тя, всесильная рода нашего заступнице, сподоби ны, немощныя и грешныя, Твоего матерняго заступления и попечения. Спаси и сохрани, Владычице, под кровом милости Твоея Церковь святую, град сей, всю страну нашу православную, и вся ны припадающия к Тебѣ с верою и любовью и со умиленными слезами Твоего заступления просящия. Ей, Госпоже всемилостивая! умилосердися на нас обуреваемых грехи многими и не имущих дерзновения ко Христу Господу просити Его о помиловании и прощении. Тебѣ убо предлагаем к Немю на умоление, Матерь Его сущую. Прости к Немю, о Всеблагая, Богоприемней руке Твоей, и

предстáтельствуй за нас пред Его́ блага́стию, прося́щи нам прощ́ения прегреш́ений нáших, благоч́естнаго м́рнаго жити́я, благáя христиáнскаго конч́ины и дóбраго отв́ета на стрáшнем судé Его́. В час же грóзнаго посещ́ения Бóжия, áще огн́ем возгор́ятся дóмове нáши, áще ли молниенóсным грóмом устраш́аеми б́удем, яви́ нам м́лостивное Твое́ заступл́ение и держáвное вспомо́жение, да спаса́емися всес́ильными Тво́ими ко Гóсподу молítвами, вр́ременнаго наказáния Бóжия зде изб́егнем, в́ечное же блаж́енство рáйское тáмо унасл́едуем, и со все́ми святы́ми воспо́ем пречестнóе и великолéпое íмя поклáняемая Трóицы, Отцá и Сы́на и Свята́го Дúха, и Твое́ в́елие к нам милос́рдие, во в́еки векóв. Амíнь.